



Jy is die lig vir die wêreld

Jesus, die Seun van God, het baie wonderlike dinge gedoen toe Hy op aarde was. Hy het mense gesond gemaak wat siek was, blindes laat sien en vir baie honger mense kos gegee.

Eendag het Jesus gesê: “Julle is die lig vir die wêreld! Niemand steek ’n lamp onder ’n mandjie weg nie. Jy sit dit op ’n tafel sodat dit die hele huis verlig. Net so moet jy jou lig laat skyn waar jy ook al gaan, sodat mense dit kan sien en God kan prys.”

Net soos ’n helder lamp mens help om in die donker te sien, kan ons die wêreld ’n beter plek maak as ons lief is vir ander, vriendelik is en mense rondom ons help.

Jesus het vir ons gewys hoe om ons liggies te skyn. Hy het almal liefgehad en mense gehelp. Eendag het Jesus gesê: “Ek is die Lig van die Wêreld. Wie My volg, sal nooit in die duisternis wees nie.” Wanneer ons naby Jesus bly en doen wat Hy ons leer, kan ons ook lig wees vir ander!

God hou daarvan as ons Sy liefde deel. So, kom ons wees vandag die helder lig wat vir almal wys hoe goed dit is om ander lief te hê en te help.

(Matteus 5:14-16; Johannes 8:12)

1. Opening

Kom ons maak ons oë toe ... wat sien jy?
Hoe voel dit wanneer jy in die donker is?
Wat kan ons gebruik om beter te sien in die nag?

God praat in die Bybel ook van lig! Vandag lees ons ’n Bybelstorie oor ’n spesiale lig. Kom ons lees die Bybelverhaal.

2. Ontdek

Kan jy die storie onthou wat ons gister gelees het?

Ja, ons het gesels oor die lig van die wêreld. Kom ons lees weer die storie.

Wat is jou gunsteling deel van die storie?
Wat sien jy in die prentjie?
Kan jy my wys waar dit donker is? En waar is dit lig?

3. Vertel weer die storie

Kan jy vir my vertel wat gister in ons storie gebeur het? (Vra vrae en lei die kind deur die prent en storie te gebruik).

Wat het Jesus gesê ons is in die wêreld?
Hoe voel jy as jy in die donker is en iemand skakel ’n lig aan?
Hoe voel jy as iemand vriendelik is met jou en jou help?
Wie het vir ons gewys hoe om die lig te wees?

4. Waarde

Hierdie week het ons gesels daarvoor dat Jesus na die wêreld gekom het om vir ons te wys hoe om lief te wees vir God en ander mense.

Hoe kan jy jou lig laat skyn?

Ja, wanneer ons Jesus volg, sal ons eie lig begin skyn deur ander lief te hê, vriendelik te wees, met maats te deel en mense te help. Wanneer ons dit doen, voel mense gelukkig en geliefd. Ons kan ook ’n bietjie van God se liefde met hulle deel.

Wat gaan jy vandag doen om liefde en vriendelikheid aan iemand te wys?

5. Aktiwiteit

In ons Bybelverhaal hierdie week het ons geleer dat ons 'n lig vir die wêreld kan wees deur ander lief te hê en vriendelik teenoor hulle te wees. Kom ons doen nou iets pret!

(Maak beurte om ’n kind te blinddoek en laat ’n ander kind hom/haar om tafels of stoele lei na ’n ligskakelaar, of waar jy ’n klein lampie geplaas het. Wanneer hulle dit bereik, laat die kind die blinddoek afhaal en die lig aanskakel. Verduidelik dat wanneer ons ander liefhet en help, lei ons hulle na Jesus, wat lig en liefde na die wêreld bring.)



**Energie: Elektrisiteit
en weerlig**



**Jy is die lig vir
die wêreld**



**Wees lief vir ander
en help ander**